

longius in diem dormiunt, valde otiosæ extra aërem vivunt, ut tandem caponum instar pinguestant: ideo & unctuosis ac dulcibus vescuntur cibis, ut ita magis delicatulæ ac venustræ suis sponsis dedicari possint. Hactenus *Forestus* de hostiis virginicis Cupidini, Veneri atque Lucinae offerendis. Etiamsi laudem aliquam meretur & commoda quæpiam confert corpori pinguitudo, de hac tamen non inique dici etiam illud potest:

Quævis commoditas sua fortè incommoda secum.

Sic cum appendice suspecta pronuntiat obesitatem de se ipso *Horatius* (*ad Tibull. l. i. Epist. 4. v. 15. & 16.*) qui Romæ natus ibi studiis primò navavit operam, postea profectus Athenas atque ibidem inter Epicureorum Sectam se recepit, ita canens:

Me pinguem & nitidum benè curatâ cute vises,

Cum ridere voles Epicuri de grege porcum.

Dehinc interdum inter corpulentum & porculentum **exigua**, intercedit differentia, sicuti per metathesin altera vox ex altera facile exsurgit.

Gordis equidem magni etiam fecerunt obesos vel corpulentos, hinc non nisi similem Regem elegerunt, veluti innotescit ex *Erasmi adagiis*; aliis autem nationibus non ita benè audire obesos historiæ docent. Respiciunt quoque sequentes versus laudem, quam quidam olim posuerunt in pingui habitu, apud *Bernardum Geystensem in Palponista a Daumio edit.* l. v. 240.

Mox etiam pingui da laudes ore bilingvi

Quod sit carne gravis facies, natura suavis,

Et quod onustate tumet, evenit ex probitate.

Formas emendat pinguedo bonam faciem dat;

Magnum majorem facit & venerabiliorem.

Laus obesitatis autem facile disparet, si pericula trutinamus, quibus eadem exposita est, & à nobis in subsequentibus traduntur. Nimia quoque crassities corporis non solum deformitatem, sed & dubiam sanitatem atque vitam conciliat. *Joh. Stephanus in Cosmetice sua quæ adhæret Prævotii operibus p. 459.* inter alios affectus corpus deformantes recenset etiam obesitatem eiisque apprimè utile scribit acetum scylliticum jejuno